



Destinataria: Dirección Xeral de Relacións Institucionais e Parlamentarias.

Asunto: Traslado de petición derivada do exercicio do dereito de acceso á información pública referida a aquela que non obra en poder da Administración do Parlamento de Galicia (art. 19.1 da Lei 19/2013, do 9 de decembro, de transparencia, acceso á información pública e bo goberno, en relación co art. 27.1 da Lei de Galicia 1/2016, do 18 de xaneiro, de transparencia e bo goberno).

Expediente: DAIP1/2020.

O 14 de outubro de 2020, a Oficialía Maior da Cámara recibe un escrito (doc. núm. 3491) remitido por D. MIGUEL ANGEL DELGADO GONZALEZ —do que se traslada unha copia—, no que solicita: copia do convenio, doazón, destino exacto do ingreso, xustificación do pago, datos actualizados do gasto e xustificación, información sobre a conta bancaria onde se efectuou o ingreso e data concreto deste, se ditos fondos destináronse ao pago a empresas proveedoras ou á merca de material como máscaras, etc.

Motiva a súa solicitude na realización dun amplo dossier sobre as campañas políticas sobre o COVID19 nas grandes capitais provinciais.

En relación con esta solicitude, esta Oficialía Maior, con data do 26 de outubro de 2020, ditou resolución nos termos seguintes:

1.º) En relación coa solicitude de “entrega da copia do convenio, doazón, destino exacto do ingreso, xustificación do pago”, precísase que a información solicitada versa sobre un expediente tramitado pola Cámara para transferirle á Xunta de Galicia o importe de 2.000.000,00€ cara a contribuír polo Parlamento a afrontar a situación económica ocasionada pola COVID19. Este expediente consistiu nunha modificación orzamentaria realizada ao abeiro do disposto nos artigos 10 e 15 do Regulamento de réxime orzamentario e contable do Parlamento de Galicia e do Valedor do Pobo (BOPG núm. 362, do 27 de maio de 2003), coa finalidade de habilitar o crédito existente na Tesouraría e poder así transferirlllo á Xunta de Galicia, previamente informado pola Intervención do Parlamento, co conseguinte acordo adoptado en sesión do 3 de abril de 2020 pola Mesa da Deputación Permanente do Parlamento, do que se deu conta ao Pleno do Parlamento de acordo ao previsto no artigo 57.1 do Regulamento do Parlamento de Galicia na sesión plenaria do 22 de setembro de 2020.

É dicir, non se precisou de convenio ou outro documento para a súa formalización á parte do mencionado acordo do que se achega unha copia.

2.º) En relación coa solicitude de “datos actualizados do gasto e xustificación” e “se ditos fondos destináronse ao pago a empresas proveedoras ou á merca de material como máscaras, etc.”, o Parlamento non dispón de información sobre o destino final ao que a Xunta de Galicia dedicou ou poida dedicar os fondos transferidos. Motivo polo que ao non estar esa



información no noso poder, trasladámoslle a súa solicitude á Xunta de Galicia, ao abeiro do estipulado no artigo 19.1 da Lei 19/2013, de 9 de decembro, de transparencia, acceso á información pública e bo goberno.

Non obstante, cómpre indicarlle que a transferencia efectuouse sen unha concreción finalista mais alá de “contribuír economicamente a afrontar a situación ocasionada polo COVID19”. Como sabe a pandemia existente supón un maior esforzo económico das arcas públicas en todos os eidos amén do incremento dos gastos de carácter sanitario. Ao que hai que engadir o recordatorio de que en materia orzamentaria rexe o principio de universalidade, o que supón que o excepcional son os ingresos claramente afectados a un fin determinado.

3.º) En relación coa solicitude de “ información sobre a conta bancaria onde se efectuou o ingreso e data concreto deste”, o Parlamento non é o titular da conta bancaria no que se efectuou o ingreso, senón a Xunta de Galicia, motivo polo que ao non ser titular a Cámara desa información trasladámoslle a súa solicitude á Xunta de Galicia, ao abeiro do estipulado no artigo 19.1 da Lei 19/2013, de 9 de decembro, de transparencia, acceso á información pública e bo goberno.

O que se comunica en cumprimento do disposto no art. 19.1 da Lei 19/2013, do 9 de decembro, de transparencia, acceso á información pública e bo goberno, en relación co art. 27.1 da Lei de Galicia 1/2016, do 18 de xaneiro, de transparencia e bo goberno.

Santiago de Compostela, 26 de outubro de 2020.

Xosé Antón Sarmiento Méndez

Letrado oficial maior



PARLAMENTO
DE GALICIA
REXISTRO